

Хөөчнр шин даалгъврмуд авцхав

ЯШКУЛЬ, (мана корр.) | 108-ч номертэ совхозин 3-ч фермд ах хөөч болж Эрнцнэ Коза кōдлджәнэ. Эн хөөчин хаша-хаацнь дуту-дунд уга, дигтэ. Нәәднр хōд хургълх дулан катгнь белн. Тернь йир сәәнәр белдгддж, дотркнь хагсу, сарул, хургъд орулх клеткс, сакманщикӯд бәәх гер, наадк кергтэ хамг зер-зевнь чигн кӯцц.

Хөөдт өгх 110 тонн өвсн, 25 центнер концентрат, хōд услх онъгъц, суулгъ, хōд болн хургъд тамгълх шир—цугтан бели.

Ах хөөч Эрнцнэ Козан

хөөднь цугъар эрӯл-дорул, нег чигн гару уга, чинәнъ сән, хōд услх худгнь хошас хол биш.

100 нәәднр хөөдэс 120 хургъ авх болдж социалистическ дōрлдәнд негдгч фермин ах хөөч С. Убушаевиг дуудв.

Ах хөөч Эрнцнэ Козан хөөднь январин 25-с авн эклдж хургълхмн. Хургъд хәләдж асрх 14 сакманщикӯд чигн белн.

СССР-н Деед Советин сунъгъврин өдриг производственн диилврмудтәгъяр тосдж, 704 нәәднр хөөдэс 900 хургъ авнав гидж үгән хөөч өгв.